

書名 皇明文衡一百
卷 正德五年
序刊本
撰者 明 程敏政 輯
明 范震、李文
會 校

卷七十五

卷 卷七十五
內容分類 集 總集 各代 明
索書號 大木 集部 總集類 30
編號 D7861500

彩色首頁1

東洋文化研究所漢籍目錄 編號: D7861500
東洋文化研究所漢籍目錄所藏漢籍善本全文影像資料庫 索書號: 大木 集部 總集類 30
漢籍善本全文影像資料庫文本 皇明文衡一百卷 正德五年序刊本
版權所有: 東京大學 東洋文化研究所
使用上的注意事項



皇明文衡卷之一

代言檄



翰林院學士新安程敏政選編
鄉進士國子監助教永康范震校正
賜進士應天府儒學教授郊郢李文會重校

宋濂



自古帝王御天下中國居內以制夷狄夷狄居外以奉中
未聞以狄治天下也自宋祚傾移元以北狄入主中國
不臣服此豈人力實乃天授然達人志士尚有
美自是以後元之臣子不遵祖訓廢壞綱常有
如大德廢長立幼泰定以臣弑君天曆以弟醜兄至於弟技

0 1 2 3 4 5 6 7 8 9 2

中央研究院
歷史語言研究所





皇明文衡卷之七十五

神道碑

湘獻王神道碑文

解縉

自古帝王受命極瀛亨屯必有追崇盛典褒嘉旌異顯微闡
幽昭示來世若成湯之吊龍塗武王式商容之閭封比干之
墓銅盤勒銘燭千古政有因革異世同符矧惟我
太祖高皇帝功光宇宙道盡君師恩義兼隆子姓多吉弘祐
于我

今上皇帝天道顯助震動僉志會朝清明揖讓底定日月光
華黎庶鼓舞申明舊章民物按堵會不逾時化危而安易亂
而治山川草木皆有喜氣達孝惟恩施由親始惟我
太祖高皇帝第十一子湘王純孝秉哲遇害於古堧之間窮



苦沉抑

皇帝嗟悼無已詢咨群言褒諡曰獻治其祠墳詔翰林院學士臣縉曰湘獻王懿德文武嬰茲荼毒朕將昭顯之爾其爲文樹石神道永示無極臣縉仰惟

皇上因心篤慶比於成湯周武弔龍逢封比干之事戚疏等差忠厚有加不敢以菲薄辭拜手稽首叙次爲文謹按諡法聰明睿智嚮惠內德曰獻惟王幼而美異長而通明溫恭粹德武而右文讀書窮理自爲課程常至夜分不寐篝燈屏枕皆自勒銘以爲警策齋明盛服精思力踐有所獨得於死生之故天道之微包括宇宙貫一古今人莫能窺其際也嘗欲著述以開來學手未嘗釋卷開景玄閣延四方賢士編輯閱富皆有緒而具在可踵而成有益於斯文學者甚厚其平居

被服儒素姿體明秀望之玉山晴霞卽之春風麗日聽其言澹而不厭和鑿佩玉從容合度自然足以廉頑起懦不自覺其入人之深也然膂力過人握弓矢刀槩上馬奮捷如飛論古兵制前事成敗出人意表達兵及常德進至荆之虎渡王曰虜兵銳甚必有以挫之今浙沮劔若縱使得入塞遺禍將大卽自畫計遣將奮前擊之敗其前鋒遂窮追之逆兵由是竟不得出塞途中數敗至延安殲焉實本王之首挫其銳筭無遺策卒成大功

太祖益嘉之特召至京慰勞遣還伍開蠻作亂

太祖命王率諸軍討之先入據其窟穴遣人四出招諭盡降其衆不戮一人

太祖大悅勞遣還國其卓卓大者類如此又嘗造棺槨和藥

餉施與軍民之貧者出入以縹囊盛書自隨祁寒暑雨不廢講誦聘問賢士備極因禮過佳山水古跡徘徊終日必為歌詩文章刻著石上書法深繹晉人精思動合矩度

太祖每有制作喜令書之詩歌豐腴清麗飄飄有出塵之想其文亦燦然理順造次輒成至於近世科舉之作反覆道義貫通經傳先生文士佔畢一世所不能盡者其天資高邁不可及有如此也自

太祖寘天哭踊幾絕因忽忽內傷有棄人間意逮建文君信讒者誣之以罪遣人圍其宮城逼執之王仰天嘆曰嗟乎吾觀前世大臣遇昏暴之朝將詔獄下吏便自引決身親

太祖皇帝子南面而王

太祖寘天疾不及視塋不及會抱茲沉痛有何樂於世今又

將辱於奴婢之人乎苟求生活吾不能也因復痛哭灑地沾濕繼之以血具衣冠赴火死闔宮皆從之時洪武三十二年四月十三日王諱柏母妃胡氏洪武四年八月初三日生十一年正月一日受冊封為湘王建國于荊州十八年十二月之國妃吳氏靖海侯禎之女生二女皆夭無子墓在荆之江陵縣西太暉山之原銘曰
猗嗟獻王老乎

高皇高皇篤愛王此大邦襟喉楚蜀粵惟荆湘既文既武有輯有攘蠢彼蠻寇蝟而跳梁

帝命往征深入其疆招之畢來入其豺狼

帝曰良哉于家有光窮胡豕突變起倉卒曠埃懸空聞者怵惕惟王神武謂彼奇禍長驅無前奔北以出將遺大難天下

固恤惟王至仁得人死力受算窮追虜以就殛聖道日還孔
繁載籍惟王經緯有則有述才兼衆長識邁千古開我後人
功非小補遭讒舍已從容就義不辱其身不降其志林土荒
煙蕪翳不治縉紳過之尚或流涕巍巍
聖皇功高湯武理其祠墳紆哀泉土龍章金冊繡裳裘衣惟
王英爽象服是碑揭昭天地精神在天
帝德王靈垂元萬年

追封奉天靖難推誠宣力武臣特進榮祿大夫右柱
國榮國公加封河南王諡忠武張公神道碑銘

楊士奇

王諱玉字世美姓張氏世家河南開封之祥符曾祖某祖某
父天佑皆追封榮國公會祖妣某祖妣劉妣王皆追封榮國

夫人王初仕元爲樞密知院已而灼知天命洪武乙丑自棧
來歸我

太祖高皇帝禮遇甚厚王感奮思效戊辰從征卜漁海子哈
喇哈之地以功授濟南衛副千戶又從勦粉紅帖木兒至延
安延川還陞明威將軍安慶衛指揮僉事庚午從征永順散
毛諸洞辛未逐北虜之侵邊者至鴉寒山而還調燕山左護
衛癸酉追虜至黑松林甲戌征野人等處陞都指揮同知戊
寅 朝廷用讒加兵親藩事急

太宗皇帝不得已舉靖難之師帷幄謀畫悉以任王王推誠
致慮夙夜不懈事可否進止衆論紛紜未定者王正色數語
決之咸中機宜故凡舉措必咨於王首用王策奪北平九門
撫順討逆三日城內外悉定師將南出王曰不先定薊州將

爲後患。薊平餘不足。平時薊州守馬宣請起兵迎拒。上命王討之。王至諭之。不下。環城攻之。宣率衆出戰。遂執宣殺之。并執指揮毛某。王知其可用。釋不殺。送詣北平。遂撫輯軍民。是夜急趨。遵化。豫戒將士止殺。曰。師行以得人心爲本。遂簡敢勇士四鼓登陴。開其城門。將士皆入城中。始覺。守將率衆拒戰。執其將。斬之餘不傷一人。將吏悉隨。王上謁。遂移師永平。密雲。皆望風輸欵。從至灤河。王進曰。都督潘忠。楊松在莫州。阨吾南路。宜先禽之。

上悅。遂親發兵命王爲先鋒。用其計取涿州。雄縣。生擒潘楊。時長興侯耿秉文率兵二十萬屯真定。王自請往覘之。還言軍無紀律。且其上有敗氣。無能爲。

上至無極。以敵衆我寡。欲試諸將勇怯。召問今舉兵所嚮。曰。度可必勝。否。衆未有適說。王曰。今當徑趨真定。彼雖新集。未齊。我軍乘勝一鼓可破之。

上曰。王言合吾意。吾倚王一人足辦。明日抵真定。據戰。秉文大敗。幾被禽。獲其左副將軍駙馬都尉李堅。右副將軍都督竇忠。及都督顧成等。斬首三萬餘級。獲馬二萬。復敗安陸侯吳傑軍。

上召王諭曰。汝之功也。非汝與。吾意合不及此。永平馳報。江陰侯吳高等以遼東兵攻圍城急。又諜報曹國公李景隆引兵數十萬將攻北平城。

上與王謀先援永平。既至。高等望風棄輜重。遁。王從上追之。斬獲甚衆。王言大寧去此不遠。請移軍襲之。可免後顧。從之。遂從攻大寧。自辰至午。城波斬其都指揮朱鑑。執都

指揮房寬下令安撫城中頃刻而定北平報李景隆兵圍城
遂旋師王請先攻其背然後歸援從之徑搗景隆營太驍三
日城中亦鼓譟出表裏夾攻景隆軍不支太賊遁去從攻廣
昌蔚州進攻大同悉下謀報景隆收潰散卒號百萬且復至
王言兵貴神速先事者勝請往駐白溝河以逸待勞可必勝
也

上命王率眾馳往駐三日景隆兵至王以精騎馳擊之斬馘
無算景隆復大敗收餘卒退保濟南乘勝追擊圍其城既而
解圍還攻滄州獲其大將徐凱進攻東昌敵列陣決戰
上以數千騎繞出陣後敵圍數匝

上已衝擊而出王不知

上所入敵陣大戰連殺百數十人王亦被創而殺十二

月廿五日云春秋五十有八

上哭之慟既旋師諸將皆侍語及東昌事

上曰勝負兵家常事不足計所恨艱難之際失張玉良輔吾
至今寢不帖席食不下咽嗚呼不已諸將皆泣

上既正大統行報功之典願侍臣曰張玉才備智勇論靖難
功當第一惜其蚤沒贈奉天靖難推誠宣力武臣特進榮祿
大夫右柱國追封榮國公諡忠顯追封其三代考妣

仁宗皇帝在春宮數與侍臣言張玉識見謀畧卓然老成非
諸將所及且端方有匡直之益誠難得也既嗣位加封河南
王改諡忠武告於廟以配享

太宗親制祭王之文有秉義懷忠一心為國靖難之際發謀
奮勇百戰當前所嚮風靡大功垂成挺身督陣惟義所在視

死如歸忠精貫于星日功烈揚於竹帛之褒蓋王爲人莊重
果毅涉獵書史明其大義而識慮高遠治家禮法秩然奉
命行師紀律嚴肅與士卒同甘苦未嘗妄戮一人每語麾下
曰爲將當賤血戰袍流芳汗簡蓋其殉國之志素定古名將
何過焉配王氏樞密院判執中之女有令德累封王夫人子
男三長輔起武功累進奉天靖難推誠宣力輔運佐理武臣
特進光祿大夫左柱國英國公太師監修國史知
經筵事功德茂碩爲國元臣次輓神策衛指揮使次軌錦
衣衛指揮同知女一永樂中冊爲貴妃孫男六長忠授勳衛
次鑑次瑾次瑄次斌次某孫女八長洪熙中冊爲敬妃次適
清平伯吳英餘在室余陪太師公在史館經筵久以余永
樂洪熙從臣實聞

二聖所嘗論王者屬銘神道之碑歟叙而銘之銘曰
文皇奉天中興邦國桓桓忠武奮起羽翼帷幄密勿長策深
畫上契淵衷魚水之得義旗肇舉仗劍先驅攸城九門功
其權輿取薊遵化如探穴離執其抗鋒摧朽折枯
龍馭旣南大旆在前連下雄鄭遄奮常山長河無險鐵城不
堅撫降殲逆德威竝宣決志敵愾愾恤厥躬精誠貫日勁氣
吐虹聊城之虜髮怒上衝先軫戰旗千載一忠王勞在國王
績在史王嗣象賢益闕以偉帶礪山河廷有明誓
清廟陟配逾千萬祀

奉天靖難推誠宣力武臣特進榮祿大夫右柱國太
子太傅成國公追封東平王諡武烈朱公神道碑銘
天命仁聖爲下民主必生文武材畧恢傑弘偉之士爲之輔

翼相與協力一心靖暴亂致治平以建非常之功夫肇創之績難矣中興尤非易也故前史贊勳臣率以肇創中興並言若我

太宗文皇帝龍興北藩安宗社於將危保洪業於永固其功蓋又有難者以一隅之衆而應四方強盛之敵靡堅不摧靡剛不馴固自天之所定亦必有材畧恢傑弘偉之佐以效夫䟽附先後奔走禦侮之能是以大功之成勃然莫之能禦也若時東平武烈王其偉然傑然特出者乎王姓朱氏諱能字士弘世家鳳陽之懷遠曾祖考某妣某氏父亮從

太祖皇帝征伐有功累陞武毅將軍燕山中護衛副千戶謹持行善撫士有譽於時母某氏王生有令質自喜讀書事父母至孝洪武甲戌襲父職事

太宗皇帝於藩邸小心慎恭未嘗少懈而撫恤下人一如其父甚爲

上所信任旦夕侍不去側奉天靖難之師初與帷幄密議惟河間忠武王與王預焉時北平三司之交構造禍者王與忠武建議率麾下首擒之遂奪城九門撫綏城內外三日人以大定引兵攻薊州擒其將都指揮馬宣等遂取遵化永平密雲從

上攻灤河既還從克雄縣首破其東門敵衆敗走追反於月漾橋執其總帥都督楊松潘忠等復追其餘衆於鄭州斬獲不可數計乘勝長驅入真定大敗長興侯耿秉文兵時主獨與敢死士三十餘騎追奔至滹沱河秉文衆尚數萬復列陣嚮王王奮勇大呼衝入敵陣敵衆披靡自相蹂躪死者無算

葉甲來降者三千餘人

上大悅賜書褒諭永平馳報江陰侯吳高以遼東兵攻城急王從

上赴援高遁走王追及之多所殺獲遂從定大寧戮其拒命撫輯其衆而還時曹國公李景隆率兵攻北平城王從

上至鄭村垵與景隆兵遇大戰敗之進攻其營又敗之景隆兵列營九門者連敗之城中亦出兵夾擊景隆狼狽走王從

攻廣昌薊州大同次第悉下景隆復收潰散之卒號百萬來攻

上親拒之王爲前鋒午至白溝河敗其都指揮平安軍及申又與敵兵戰大敗之明日王領左哨當前鋒又大敗敵兵盡

克其砦柵敵走保齊南王率衆追之至鏹山敵嚴兵列陣以待王連破之敵衆釋兵降者萬餘人王以聞

上悉撫而縱之蓋自是敵兵戴德皆願來歸無復鬪志然上得之卽遣之不留王從攻滄州先破其東門入城斬首六

萬餘級敵震懼遂獲其總帥徐凱進攻東昌敵列陣決戰上以數千騎出陣後敵圍

上數匝王奮力進上以出進戰夾河王爲奇兵先鋒大敗敵將盛庸兵又敗平

安兵于藁城追奔至真定戰其東門斬首萬餘級遂畧彰德及定州勒西水寨已而敗敵將李文於德州遂克東阿東平

破汶上諸寨設伏泃河敗平安兵十餘萬進戰小河爲敵所乘稍却諸將遽請旋師獨王力勸

上行曰用兵未必常勝豈可因小挫繫自沮項羽百戰百勝

竟亾漢高屢敗而終興自 殿下舉兵來克捷多矣此小挫何足置意但當以 宗社為重整兵前進耳

上撫掌嘆曰尔言深合吾心遂行至靈壁敵盛兵迎戰王先登陷陣大敗之生擒其副總兵陳暉平安參將馬溥徐真及都指揮三十餘人獲馬二萬敵眾死者屍蔽原野降者數十萬人悉縱遣之進克泗州渡淮敗盛庸兵遂克盱眙下揚州從

上渡江入京師內難平諸王臣民推戴

上承大統論靖難功王居首賜號奉天靖難推誠宣力武臣特進榮祿大夫右柱國左軍都督府左都督封威國公食祿三千五百石子 孫世襲賜誥券追封三代考皆威國公妣皆成國夫人永樂二年 命兼太子太傅四年安南黎季犛弒

其國主毒虐下人拒遏 詔使數諭弗悛遂發兵討罪

命王總兵佩征夷大將軍印率左右副將軍左右叅將及神機橫海驃騎游擊鷹揚五將軍兵八十萬討之瀕行

上親送之龍江師至廣西

上顧侍臣曰朕夜察天象西帥有憂其朱能乎然能足辦斯事朕第慮氣候非其所習耳踰旬訃聞

上震悼輟視朝五日一時同王從舉義者永康侯徐忠等十數人皆入奉慰

上灑泣曰方艱難時協力一心相濟能其首也且其素存心

行事皆應遠到曷遽止此言已益酸楚左存能流涕莫敢仰視蓋王至龍州嬰疾薨十月初二日也春秋三十有七

上親為文祭之 宸衷悲愴溢於言表讀者皆為泣下賻血

特厚追封東平郡王 賜諡武烈并加贈其三代皆王爵
仁宗皇帝臨御特詔王配享

太宗廟廷賜祭之文尤極褒重蓋當時元功之首也至頎然
魁碩勇力過人器宇宏博智識高遠雍容端重辭氣溫裕廣
坐羣議王折衷之詞簡理當無不心服善馭將士教訓撫恤
親若父子紀律明肅無敢踰越每遇勁敵大呼馳鬪以一當
百敵皆望風辟易懷綏降附恩惠周至出謀制勝靡有遺策
尤善用人率歸心雖古良將不過是也葬昌平北澤山之
原配王氏累封東平郡王夫人子男若干長勇襲封成國公
太子太保篤實公忠祇勤弗懈歷事

四朝國所倚重次某其官女若干某官其其瑋也孫男若干
孫女若干 永樂初某等講禁林凡軍國事預陪

廷議恒與王接知之有素至是太保公屬書神道之碑敬叙
而為銘銘曰

明聖之興天實命之必有名世輔翼攸資

文皇大聖奉藩恭恪天將啓之內難奄作有不得已義旗載
揚彬彬文武風雲奮興于時東平雄才弘畧夜寐夙興密侍
帷幄刈違撫順式宣德音環城中外有截一心金戈所嚮漁
陽風靡永平不固大寧傾圮後顧無虞前驅翩翩折朽雄鄭
摧堅中山盆都追奔滄州殲逆咸奮先登電掃霆擊青齊旣
帖踊躍而南持志決往 宋社為心靈壁疾下長淮飛渡茫
茫圻甸有迓無拒大江無險內難廓清翼 龍升御天開日
明國有元良遂兼儲傳端肅之行寬仁之度南交弗靖奉
命祖征師未出疆大星墮菅天不憖遺堂柱遽仆

帝聞蠱傷卹典隆厚忠存 社稷勳載簡編偉哉嗣興顯
象賢河山有誓追崇有詔
皇明萬年永配 清廟

丁

皇明文衡卷之七十五

皇明文衡卷之七十六

神道碑

故文淵閣大學士兼左春坊大學士贈榮祿大夫少
師禮部尚書諡文穆胡公神道碑銘 楊士奇

太宗皇帝御天下二十有三年文武之臣各展其才能達諸
事功若竭誠効力始終不渝者其身雖沒所以寵眷之率有
進而不衰其文臣遭遇之盛者文淵閣大學士兼左春坊大
學士胡公尤著者也公初以進士第一為翰林修撰階承直
郎又明年

太宗皇帝入正大統陞侍講踰月改侍讀進承德郎永樂二
年陞右春坊右庶子階奉議大夫仍兼侍讀四年進翰林學
士兼左春坊大學士階奉政大夫進文淵閣大學士仍兼左